



Jumat, 5 Mei 2023

Ogen: Joel 1:16-20



Erleboh Man Tuhan



Ibas kegeluhenta megati terjadi si la pernah si sangka. E maka lit i bas psikologi lit siigelari "black swan theory". Teory enda iciptaken sekalak dokter, si sengget erkiteken idatca berita maka labo kepe mentar kerina angsa. I bas daerah si deban, lit peneliti si ermomo makana lit angsa si rupana mbiring. Erkiteken nggo nai-nai nari sitanemken pengakap maka angsa kerina mbentar, sengget me kita i bas sibegi kepeken lit si la si eteh si enggo semal. I bas la ngasup mengelola pusuh si sengget e, megati kalak jadina nulak kebenaren si mbaru, ntah pe mbulak perban la ngasup ngaloken kinata si so niarapken.

Bangsa Tuhan, i bas kitab Joel enda pe labo pernah sangkana maka reh mara ku bas kegeluhenna si la terbabasa. I bas bangsa enda iteruh jajahen bangsa persi, reh me labang si melala sierbahanca ceda kerina sinuan-sinuan i bas jumana. Gandum lanai terperani bage pe kerina ulih juma la nari banci ipake, ipan ntah lako idayaken. I bas si e tangis ngandung kal bangsa e, sabap bencana sibagenda rupa la enggo pernah ibegina ras la pernah jadi bas wari-wari kegeluhenna. Pangan nggo lesap, benih maten, lembu ras rubia-rubia sideban pe nggo serko ban serana. Tambah kelekna perban ulu lau pe nimpet. Bage me adi iperhadapkan bas situasi i ja lit persiapenta. Tapi anem bage gia pengarapen la banci masap. I ja manusia lanai ergegeh erpengarapen arus maka kita mpeteruk bana iadepen Tuhan. Sipindolah perkuah ateNa, desken nabi Joel si tetap erlebuh man Tuhan.

La siangka engkai maka ijinke Tuhan jadi li la bagi ukur bage pe si la pernah terukuri kita bas geluh enda. Tapi selaku tinepa si mada kuasa tentu idahNa kerina si jadi bas kegeluhen anak-anakNa. Ersukuten saja man baNa, penampatNa reh me. itehNa uga carana mulahi kita. Tenenglah, erlebuhlah.